

Baɓa gba Polopi omabhuka na gɗɗa na Efeso

© 2016 Wycliffe Bible Translators, Inc.

Licence - Creative Commons CC:BY-NC-ND

Balua gba Polopi omabhuka na gɔdhu na

Efeso

Eli na kalanu

Balua inde li Polo aye e pi omabhuka na Efeso-o, ngatsia ngaiza kalanu engu inde pindji mabhundja gba Ebhe, ngubula napo bhala ndu oehe hana inde ani abho e, ohe inde na abhala ne bhe na pila doto bhu dabili bini ne Kilisito maka ndjindji-o (1:10). Ani nga'i okpala gba Ebhe me u du akobho li lele mabhundja na ngbengbe bhomu inde pi ndu okpala hana bhu nakpɔtse lio ne Kilisito.

Bhu balua inde ane okulu oehe bhelé inde ngasuno me, okpala gba Ebhe ngadu bini bhu makpɔtse bhu dabili bini ne Kilisito: Piga gba Ebhe maka kate kpala inde li Kilisito nde ne 'ndji e. A di maka eti inde li Kilisito nde ne nepanda na e-o. A la mata di maka ele inde li Kilisito nde maka ko e-o. Bhu nagama ongu gba Polo pindji mabhundja na badha bhu 'bu gba Ebhe inde bhu Kilisito-o, a ne oeli bhende ngatu kpala, a la di ne oeli inde nga'e bua kpala abhala ma gba! Ndu 'ngu bhomu-o hana ngau lie li zi 'kpi na mukunda gba Kilisito, bhu makiso, bhu mambu, bhu badha bhu 'bu, a la di-e bhu navulu lio.

Ongbengbe ongu inde bhu bhuku inde-e ngae inde:

Eli na kalanu 1:1-2

Kilisito a la di-e Dadjua gba Ebhe 1:3 – 3:21

Mukobho na mbia bhu Kilisito 4:1 – 6:20

Eli na soso 6:21-24

1

Polo yi omabhuka na Efeso mayi

¹ Ngama Polo, ma ne bhũũ titima gba Yesu Kilisito , anga Ebhe akũnda mo-o. Ma aye balũa inde-e pi okpála na bububu gba Ebhe inde bhũ gũdhũ na Efeso, inde abhuka la di Yesu Kilisito-o. ² A ayo me Ebhe 'Dyi ní, ne Ngámá gba ní Yesu Kilisito, suno bádha bhũ 'bu gba o-o pi yi, amba u ha di guo 'ngũ pi yi.

Ebhe atuko bisagu pí ní bhũ nakpõtse gba ní ne Yesu Kilisito

³ Ní dhөгө Ebhe, 'Dyi Ngámá gba ní Yesu Kilisito-o! Aní atuko bisagu pí ní bhũ nakpõtse liní ne Yesu Kilisito, anga aní aha ndũ bisagu hana na bhobua na abhũlá-a pi ní. ⁴ Kala me Ebhe bho doto-o, aní abhũ nani ní bhũtode ngũbula me ní dũ ne okpála gba ní li pápá gba Kilisito, amba ní dũ ne okpála inde bubu, u ti da nau siti 'ngũ napapa li o de. Padhá de, anga aní akũnda ní. ⁵ Kaka, nayie nani bhũtode naali-e, aní amene me ní kolo ongisi gba ní li pápá gba Yesu Kilisito. A bhomũ-o engũ inde aní amene e pi ní bhũ bádha bhũ 'bu gba e-o. ⁶ Ní toko sangu gba Ebhe ngũbula bádha 'ngũ inde aní amene e pi ní ne bádha bua gba e, anga aní akũnda me amene lie mo-o bhũ Ndili gba e na mukũnda-o.

⁷ Padhá de, anga bhũ nakpõtse liní ne Yesu-o, Ebhe agbegbe ní bhũ siti 'ngũ ka ngũte aní. Aní atsia ambu li siti 'ngũ gba ní-o. Ebhe asuno pi ní bhomũ-o tia inde bhũ bádha bhũ 'bu gba e, ⁸ inde aní aha e me a nde abedhe bedhe-o. Aní atsia aha di ndũ imbilangũ hana pi ní. ⁹ Aní asuno engũ gba e inde awo lie mawo-o pi ní. Engũ inde bhũ bádha bhũ 'bu gba e inde aní apa nani bhũtode me ní améne e bhũ Kilisito-o. ¹⁰ Engũ inde aní apa me ní améne e li nedhinga aní a'o e-e, a ko nakpõtse ndũ 'ngũ hana inde abhũlá, ne bhende píla doto-o sa koli Ngámá bini, Kilisito.

¹¹ Bhũ nakpõtse liní ne Kilisito-o, ní asia ehe inde li Ebhe apa nani me ní ahá e pi ní-o. Padhá de, anga Ebhe alo nani ní kalanũ didili naali maka aní akũnda lie-o. La di-e, aní ngamene ndũ 'ngũ hana maka aní akũnda nani lie, di ne maka aní apa lie-o. ¹² Kaka-a, a ayo me ní toko sangu gba Ebhe, nganí okpála inde a'o 'to o nani bhũtode bhũ Kilisito-o.

¹³ Ngayi di-e, li yi adje ngali na kũkũ 'ngũ-o lie, Bádha Ngali inde aha mukobho pi yi-e, yi atsia abhuka Kilisito. Abhomũ-o, Ebhe atsia atũ kasé inde

ngasuno me yi ne ongisi gba ni-e li kute yi, li ani aha Bu Bhobua inde ani apa nani me ni aha e pi yi-e lie-o. ¹⁴ Bu Bhobua ango-o ne ehe na kalanu bhú ka obabadha 'ngú inde li Ebhe aleke e pi omaha e-o. Ani ngapa pi ní me ní asía ongú ango-o masia li nedhinga li Ebhe agbégebe ní lie bhú siti 'ngú gba ní hana-o. Kaka-a, ayo me ní toko sangu gba Ebhe.

Polo ayo Ebhe ngú omabhuka

¹⁵ Kaka-a, mbia inde-e, li ma adje lie me yi abhuka Ngámá Yesu-o, di ne me yi ne mukunda pi ndu omabhuka hana-a, ¹⁶ ma'o nagie heni pi Ebhe li 'ngú gba yi-e de. Ma ngabundja yi bhú omayo gba ma-o. ¹⁷ Ma ngayo ka Ebhe gba Ngámá gba ní Yesu Kilisito, 'Dyi ní na asasaua me ani ha bua na imbilangu pi yi. Bua ango-o asúno Ebhe pi yi mbámá, ani tsia méne di me yi mbila ani na paká paká. ¹⁸ Ma ngayo me ani bhulu imbilangu gba yi ngú nambila obabadha 'ngú inde ani apa me ni aha e pi okpála bhende ani a'i o-o. Ma la di ngakunda me yi mbila tia di ne sangu inde bhú obabadha 'ngú inde ani aleke e pi okpála gba e-o.

¹⁹ Kaka-a, yi ambila angu na kuo kuo inde ani nde ne e pi ní omabhuka-o. Angu ango-o, a ko bhende li Ebhe asuno e na paká paká, ²⁰ nedhinga li ani azuku Yesu Kilisito lie, ani atsia a'o ani li pá 'kpa e na kokpa abhúla-o. ²¹ Oo, ani a'o Kilisito pí 'ndji ndu obua hana, pí 'ndji ndu obua hana na angu, pí 'ndji ndu obua hana na kpekpeke ne pí 'ndji ndu o'ili hana inde u ti da na'i e bha bini naki de, engú bini, inde u ti da di na'i e bhú oekpi inde ngago ko. ²² Ebhe a'o ndu 'he hana sa 'dhu Kilisito. Ani atsia a'o ani Ngámá pí 'ndji ndu 'he hana di ne pí 'ndji Dadjua gba e-o. ²³ Piga gba Ebhe-e, a ko kute Yesu Kilisito. Angu gba ani-e ngadu bhú Dadjua ango-o, ngaani-e, ani ne ndu bili hana.

2

Ní azuku bhú dabili bini ne Yesu Kilisito

¹ Nani kalanu-o, yi amu li bua yi kabula pulu 'ngú di ne kabula siti 'ngú gba yi-o. ² Yi adu nakobho bhú siti 'ngú nakpata lele mukobho na doto inde. Yi adu namanga ngámá na angu gba osisiti bua inde atu 'kpi-o. Ngámá ango-o, a ko bua

inde ngamene kulu bhú okpála inde ngagụ Ebhe-o. ³ Ní adụ bhadi nani ndụ ní hana maka uo. Padhá de, anga ní adụ nani nakobho bhú gụmụ na sisiti gba ní-o. Ní adụ namene gụmụ na kute ní, di ne gụmụ na bua ní. Ka siti 'ngú gba ní-e, a ayo nani me ke 'ngú gba Ebhe-e go pí ní maka okpála koko.

⁴ Engú bini, ndjinga gba Ebhe-e ngbéngbé, mụkụnda gba ani pí ní-e ngbéngbé naali. ⁵ Kaka-a, ani aha matá mụkobho pí ní lí pápá gba Kilisito , nganí okpála inde amu nani ka siti 'ngú gba ní-o. A na paká me ní akobho ka bádha bhú 'bu gba Ebhe . ⁶ Bhú makpọtse gba ní ne Yesu Kilisito-o, Ebhe azuku ní bhú kuo bhú dabilí bini ne ani, ngụbula me ní ụ bhú dabilí bini ne ani abhálá. ⁷ Bhú nasuno bádha bhú 'bu inde ani asuno e pí ní bhú Yesu Kilisito-o, Ebhe akụnda nasuno bhomụ-o ngụbula ndụ nedhinga hana inde ngago-o bádha bhú 'bu gba e na ngbéngbé ko. ⁸ Padhá de, anga yi akobho ka bádha bhú 'bu gba Ebhe kabula nabhuka . Mụkobho ang-o yie ka yi de, a ko ehe inde lí Ebhe aha e pí yi padhá. ⁹ Mụkobho ang-o yie ka okulu gba yi-e de. Kaka-a, a ayo de me kpála bini pa 'li e tété-e de. ¹⁰ A na paká me Ebhe abho ní ngae. Ani abho ní bhú nakpọtse liní ne Yesu Kilisito ngụbula me ní mene ongú na babadha. Obabadha 'ngú ang-o, Ebhe aleke nani pí ní bhutode me ní mene.

Yesu akpọtse omaYuda ne obhende ne omaYuda ade-e bhú nakpi gba e-o

¹¹ Yi bhundja nga maka yi adụ nani lie kalanụ-o. Ngayi okpála inde lí omaYuda adụ na'i o me okpála inde í lí gandja^a de, anga bhú nazu-o, yi ne omaYuda ade. U atsia adụ na'i lio me o ne okpála inde alí gandja. A ko la ehe inde lí okpála amene e lí kute ne 'kpa o. ¹² A na paká me bhú nedhinga bhomụ-o, yi adụ nani de Kilisito tsutsu. Yi adụ ne ogandji okpála , yi dụ nani bhú piga gba omafosalaele de. Gandja inde lí engú lí Ebhe apa nani lie me ní améne e pí okpála gba ní-e alụ pí e, dụ pí yi de. Yi adụ nani nadụ píla doto me yi nde 'o 'to yi 'to Ebhe de. Ebhe dụ la di bhú yi de. ¹³ La mbia inde-e, bhú nakpọtse liyi ne Yesu Kilisito-o, ngayi okpála inde adụ nani de ani tsutsu-o, yi adyudyo liyi de ani masakpe kabula ngute ani-o.

¹⁴ Padhá de, anga Kilisito ngae makpe aha guo 'ngú pí ní ngae bhú namene me

^a2:11 *Gandja*: A adụ nani engú inde asuno me a inde-e kpála ka Ebhe.

omaYuda, ne okpála bhende ne omaYuda ade-e kolo koli okpála bini. Bhú nakpi ka ani-e, ani agugumá kozie inde adu nani nagbo bhustu uo-o. Kozie ango-o adu nani nayala lio sánda o. ¹⁵ Ani abulu líli gba Moidje ne odapo ango-o hana. Ani amene me omaYuda, di ne okpála bhende ne omaYuda ade-e kolo koli piga bini na mbia bhú nakpètse lio ne ani. Abhomu-o, ani atsia agie guo 'ngú. ¹⁶ Bhú nakpi ka ani lí kulusi-e, Kilisito akpètse uo bhú koli kate bini. Ani atsia agie makpolia sánda uo ne Ebhe. Lí pápá na kulusi-e, ani a'e yala sánda uo. ¹⁷ Kilisito ago ngubula nakpokpo Bádha Ngali na guo 'ngú pí yi okpála inde adu nani tsutsu de Ebhe, di pí okpála inde adu nani masikpe-o. ¹⁸ Lí pápá gba Kilisito-o, ndu ní hana, omaYuda ne okpála bhende ne omaYuda ade-e, ní tí da nadyudyo líní de Ebhe, 'Dyí ní, ka koli Bu Bhobua bini.

¹⁹ Kaka-a, ngayi okpála inde ne omaYuda ade-e, yi matá ne ogandji okpála ade, yi maka ogomago ade. Engú bini, yi mbia inde-e ne ongisi na kati, yi bhú ká okpála gba Ebhe. Yi ne okpála na piga gba Ebhe. ²⁰ Ngayi-e, yi akolo ndula na eti inde lí 'dhu e nde ne obhulu titima gba Yesu , di ne opolofeta . Nepanda na eti ango-o, a ko Yesu Kilisito ngae makpe. ²¹ Ani ngamene ngae me eti-e lu kpekpeke. Ani la di ngamene me eti ango-o kolo 'ngbé 'ti Ebhe na bubu, inde u a'o e pí Ngámá. ²² Bhú nakpètse lio ne Kilisito-o, ngayi di-e, yi maka ndula na eti inde u ayiki e-o. Yi atsia akolo ne ndu okpála koko koli eti bini inde lí Ebhe ngadu bhú e lí pápá gba Bu Bhobua.

3

Polo akpokpo 'ngú pindji engú inde awo lie mawo gba Kilisito

¹ Kaka-a, ngama Polo-o, ma ne kpála na tikpu gba Yesu Kilisito kabula yi okpála inde ne omaYuda ade-o. ² A na paká me yi adje engú pindji kulu inde lí Ebhe aha e bhú bádha bhú 'bu gba e me, ma mene e pí yi ko. ³ Ebhe ambamba ta 'ngú gba e inde awo lie mawo muma, ngubula me ma mbila tata-a ndjindji. Ma aye mbo 'ngú pí yi pépé bedi. ⁴ Nedhinga yi ngatanga balua inde-e lie, yi tí da nambila imbilangú inde ma nde ne e lí engú inde awo lie mawo gba Kilisito-o.

⁵ Nani kalanu-o, Ebhe mbamba nga nani ta engu angoo pi okpala na kalanu-o de. Engu bini, ani asuno mbia inde-e li papa gba Bua gba e pi obhulu titima na bububu gba Yesu, di ne pi opolofeta . ⁶ Okpala inde ne omaYuda ade-e ngasia koli ehe bini ne omaYuda. Uo bhu koli kute bini. U asia la di ehe inde li Ebhe apa me ni amene e bhu Yesu Kilisito li papa na Bada Ngali-e masia.

⁷ Ma akolo kpala na kulu na kpokpo Bada Ngali ka bada bhu 'bu gba Ebhe , inde ani aha e mama bhu angu gba e-o. ⁸ Ngama-a, ma ne mboye kpala bhu ka ndu okpala gba Ebhe-e hana. Engu bini, Ebhe atsia aha bada bhu 'bu gba e mama ngubula me ma kpokpo Bada Ngali pi okpala bhende ne omaYuda ade-e pindji tia na ngbengbe gba Kilisito, inde ane mabundja gba okpala mane-o.

⁹ Ma ti da nasuno pi ndu okpala hana mbamba maka li Ebhe ngamene engu gba e inde awo lie mawo lie-o. Ngaani-e, a ko kpala inde abho ndu 'he hana. Nayie nani didili naali-e, engu angoo adu me a nde awo lie mawo, ¹⁰ ngubula me mbia inde-e, kabula engu li Ebhe amene e bhu Dajua gba e-e, ndu obua hana, di ne ndu obua hana na angu inde abhula-a ti da nambila imbilangu gba Ebhe inde u ti da nambila alo na e de. ¹¹ Ndu 'ngu bhomu-o amene lie li lele mabundja li Ebhe adu nani ne e nayie li lilita, inde ani amene e bhu Yesu Kilisito, Ngama gba ni-o. ¹² Ni akpetse lini ne Kilisito, ni atsia abhuka la di ani. Kaka-a, li ndu kpadji hana ni adu ne tsulu de ngu nadyudyo lini de Ebhe. ¹³ Kaka-a, ma ngayo ka yi me, bua yi asia ndala ka likabhu inde ma ngazu e ngubula yi-e de. Likabhu angoo mangbo ngaha pi yi sangu .

A ayo me omabhuka mbila lele mukunda gba Kilisito inde ane ndu 'ngu hana-o

¹⁴ Kaka-a, ma ngatutu lipuku ma kuto kala 'Dyi ni Ebhe, ¹⁵ li ndu piga hana inde abhula ne pala doto adha bhu e-o. ¹⁶ Ma ngayo ka ani me ani ha angu pi yi li papa na Bhobua gba e, anga sangu gba ani-e ne 'ngbe tia na ngbengbe. Abhomu-o, yi tsia sia angu li bua yi. ¹⁷ A ayo me Kilisito si kuti e li bhobua yi li papa bhe nabhuka . Ma ngayo me sie yi li bhu mukunda mali, la di me a lu bhu mukunda angoo mala. ¹⁸ Abhomu-o, yi kolo ne angu ngu nambila bhu dabili bini ne ndu okpala gba Ebhe-e hana me lele mukunda gba Kilisito pi ni-e, ane mane! ¹⁹ Yi

mbíla lele mækúnda gba Kilisito inde ane ndu 'ngú hana u ti da nambila e-o. Yi abédhe ne ndu 'ngú hana inde bhú Ebhe-e bedhe.

²⁰ Ebhe ngamene kulu bhú ní ne angu gba e-o. Li ní yo 'he ka ani-e, ani ti da nahaha pi ní bhelé ane mane, anga angu gba ani-e ane ndu 'ngú hana inde ní ti da nabhundja e. ²¹ A ayo me sangu du ne ani bhú Piga gba Ebhe di ne bhú Yesu Kilisito, ndu nedhinga hana, duduuma ne duduuma. A adu moko.

4

Yi gili ndu 'kpí hana nadu bhú makpètse ne Kilisito

¹ Ngama kpála inde bhú tikpu anga ma ngamene kulu pi Ngámá-a, engú inde ma ngayo e ka yi kpékpéke-e ngae inde: ngayi okpála inde li Ebhe a'i o-o, kaka-a, yi dhuku maka li okpála inde li Ebhe a'i o-o adhudhuku lie-o. ² Yi du ndu 'kpí hana naké liyi ne kuto, yi du ne bhuku bua, di ne 'ndjá bua. Yi kibila liyi bhú ongú inde sánda yi-e ne bua na mækúnda. ³ Yi gili ne angu hana nadu bhú makpètse inde li Bu Bhobua ngaha e bhú guo 'ngú inde ngagbite yi bhú dabili bini ko. ⁴ A ne koli kate bini, di ne koli Bu Bhobua bini. Ebhe a'i la bhadi ní me ní 'o 'to ní to koli 'he bini. ⁵ Koli Ngámá bha bini, ne koli nabhuka bini, di ne koli batisimo bini. ⁶ Koli Ebhe bha bini, inde 'Dyi ndu okpála hana. Ani ngau pí 'ndji ndu okpála hana. Ani ngamene kulu bhú ndu okpála hana, ani la di ngadu bhú ndu omabhuka hana.

⁷ La-a, Kilisito aha pi kpála ne kpála angu gba Bhobua ngú namene ehe. Ani atsia aha di bhe gba kpála ne kpála pi e ne bádha bua. ⁸ U aye me:

«Li ani a'u lie abhúla-a,

ani abha okpála na tikpu ne angu,

ani atsia aha angu gba Bhobua ngú namene ehe pi okpála.†»

⁹ La-a, napa me «ani a'u abhúla-a», a akúnda napa pi? Bhobhomu-o akúnda napa me, kala na'u abhúla-a, Kilisito aké ngaiza a saté. ¹⁰ Kpála inde aké a saté-o, a ko

†4:8 Tsia bhú Ets. 68:19.

di kpála inde a'ɛ abhúlá tsutsu ngɛbula me aní dɛ bhú ndɛ 'he hana. ¹¹ A ko aní inde aha kulu pɪ kpála ne kpála-o. Aní aha pɪ okoko nadɛ obhɛlɛ titima gba Yesu , okoko ne opolofeta . Okoko ne omɛsuno na Bádha Ngali , okoko ne odimandɛ, i dɛ di-e omɛsuno. ¹² Yesu amene me okpála gba Ebhe-e kolo bedhe ngú namene kulu gba aní, ne okulu inde li Kilisito aha e pɪ uo bhomɛ-o, ngɛbula me kɛte ní inde Piga gba Ebhe-e, kolo kpekpeke. ¹³ Ní mene mo-o, ndɛ ní hana ní kólo bhú makpɛtɛ bini bhú nabhuka ne nambila Ndili gba Ebhe-e ndjindji. Ní bhele bhú nabhuka ang-o, ní tsia kólo libhomu maka Kilisito.

¹⁴ Abhomɛ-o, ní dú matá maka ongisi de. Ní dú la di maka zabɛ inde li anvi ngadyudyo e ne ndɛ pasɛ hana, di ne anvi na nasuno gba omɛsuno inde ngapite okpála-a de. ¹⁵ Engú bini, i dɛ me ní nde ngapa kɛkɛlɛ 'ngú bhú mɛkɛnda-a, ní bhéle bhú ndɛ 'ngú hana li pápá gba Kilisito inde ne 'ndji Piga gba Ebhe-o. ¹⁶ Aní ngamene ngae me oyá ní dɛ bini, aní atsia akpɛtɛ di lie bhú dabili bini ne ní. Kɛte ní inde Piga gba Ebhe-e bhadi moko. I dɛ me nganí inde ne okpála na Piga gba Ebhe-e ní nde ngamene kulu gba ní bhú dabili bini ne mɛkɛnda-a, li Dadjua ang-o bhéle.

Yi koto bhú mɛkobho na kalanɛ, amba yi kolo okpála na mbia

¹⁷ Engú inde ma ngayo e ka yi ne kekele-e ne 'li Ngámá-a ngae inde: yi adú nadhɛkɛ matá maka omɛpagano de. Padhá de, anga mabhundja gba uo-o padhá.

¹⁸ Imbilangɛ gba uo-o bhú biti. Mɛkobho inde ngayie ka Ebhe-e pɪ uo ade. Padhá de, anga u mbila 'ngú bini de. U agbite la di bua o má ki! ¹⁹ U ngadje nɛmɛ li 'ngú bini ade. U ngamene ndɛ 'ngú na sisiti hana inde u akɛnda namene e. U la di ngakɛnda olisi ne obhosi ngangá.

²⁰ Pɪ yi-e, a bhomɛ-o engú inde u apa e pɪ yi pɪndji Kilisito-o de. ²¹ A na paká me u apa ndɛ 'ngú gba Yesu-o pɪ yi hana. Maka omakilisito-o, u asuno pɪ yi kɛkɛlɛ 'ngú inde ní asia e ka aní-o. ²² Kaka-a, a ayo me yi tse mɛkobho gba yi na kalanɛ-o. Lele naní maka yi adɛ lie kalanɛ-o, yi koto bhúbhú makoto, anga ogɛmɛ ang-o ngapite okpála. A la di ngato okpála bhú kuo. ²³ A ayo na'o me Bu Bhobua dji yi libhomu, amba yi kolo okpála na mbia li bua yi, di ne bhú

mabhundja gba yi ko. ²⁴ Yi kolo okpála na mbia, inde li Ebhe abho o maka e makpe, inde la di ngau lie bhú mukobho na ngbingbili, inde di bubu li kúkúla 'ngú ngagbe e-o.

²⁵ Kaka-a, yi 'o napa eu ma'o. A ayo me kpála ne kpála pa pi kilí e kúkúla 'ngú. Padhá de, anga ní nda ní hana ne yá koli kúte bini. ²⁶ I da me bua yi nde ake-e, yi alí bhú siti 'ngú de. A ayo me bua yi kò kala me ela ti.† ²⁷ Yi aká kpadji pi Djabula de me ani ko pí yi-e de. ²⁸ A ayo me kpála inde ada nako nazi 'he-e, 'o nazi 'he ma'o. A ayo mangbo me ani mene kulu ne 'kpa e makpe, amba ani sia ezá pi e li bádha kpadji. Ani da la di ne ehe ngú nateteke okpála inde li ehe aneke ka o-o. ²⁹ Eli na sisiti bini akóto bhú 'bhò yi de. Yi pa bha bini eli na babadha inde i ti da nateteke okpála koko nakpata gamma gba uo-o, a la di ngamene bádha 'ngú pi obhende ngadjedje-o.

³⁰ Yi ahá likabhu pi Bu Bhobua inde li Ebhe aha e pi yi-e de. Padhá de, anga Bu Bhobua inde li Ebhe ata e li yi maka kasé-e ngapa pi yi ngae me bhú oekpi inde ngago-o, Ebhe agbégbé yi bhú siti 'ngú gba yi-e magbegbe. ³¹ Yi 'e nda 'ngú hana na sisiti li bua yi ma'e. Yi 'e ndu bua bhú yi ma'e. Yi 'e ke 'ngú bhú yi ma'e. Yi 'o nasusula ma'o. Yi 'o la di nasobho sobho ma'o. Yi 'o namene nda sisiti 'ngú hana má kpəkəbhə! ³² Yi da sūnda yi ndjindji, amba yi bedhe ne mukūnda bedhe. Yi mbu li sisiti 'ngú inde sūnda yi maka li Ebhe ambu la di li yi lie kabula Kilisito-o.

5

Yi dhukū maka okpála inde bhú zi 'kpí

¹ I nde lie me yi nde ne ongisi li Ebhe-e akūnda o-o, yi mene ne kpéke me yi da maka ani. ² A ayo me yi da ne mukūnda maka Kilisito . Padhá de, anga ani akūnda ní. Ani atsia andala 'kpa li mukobho gba e pi ní maka makiso, maka ena inde u atsutsulu e pi Ebhe, inde li se e ngapu ndjindji.

³ Yi ne okpála na bububu gba Ebhe. Kaka-a, a ayo de me u dje ongú nakūnda

†4:26 Tsia bhú Ets. 4:5.

olisi, di ne obhosi ngangá, di ne namene ndu ongu na sisiti hana, i du di-e gumu 'he naali bhú ka yi-e de. ⁴ A ayo de me siti 'li, ne engú na ngingi, ne zibotu koto bhú 'bhe yi-e de. Engú bini, yi gie mangbo heni pi Ebhe. ⁵ Yi mbila ndjindji me, kpála bini na zabhe, kpála na zibotu, i du di-e kpála na endju (padhá de, anga endju-o, a ko nayo ebhe na eu), ani lí bhú Naú gba Kilisito di ne Ebhe-e belegu de bini.

⁶ Kpála bini apíte yi ne 'li na padhá padhá de. Padhá de, anga ngua osisiti 'ngú bhomu-o ngagbele ke 'ngú gba Ebhe-e pi okpála inde ngayala namene líli gba ani-e ngae. ⁷ Kaka-a, yi akpétse liyi ne ngua okpála bhomu-o de. ⁸ Yi adu nani kalanu-o bhú biti. La mbia inde-e, li yi akpétse liyi lie ne Ngámá-a, yi akolo bhú zi 'kpí. Kaka-a, yi dhuku maka okpála inde bhú zi 'kpí. ⁹ Padhá de, anga zi 'kpí ngazu ndu 'ngú na babadha hana. A la di ngazu ngbili 'ngú ne kuku 'ngú. ¹⁰ Yi gili ne kpéke ngú nalo engú inde li Ngámá akanda e-o. ¹¹ Yi akpétse liyi ne okpála bhende ngamene ongu na padhá padhá na sukpe-e de. Engú bini, yi gbe engú angu-o mbámbá bhú djila okpála. ¹² Padhá de, anga a ko nuu naali ngú nagama 'ngú li 'ngú inde li okpála angu-o ngamene e bhú pepe. ¹³ La-a, engú inde u agbe e pi okpála-a, akolo mbámbá. ¹⁴ La di-e, ndu 'ngú hana inde u agbe e li zi 'kpí-e, a akolo bhadi li zi 'kpí. Kaka-a, u apa me:

«Ngamu kpála inde ngala-a, zuku,
yie bhú ká okpála inde amu-o mayie,
amba Kilisito suno zi 'kpí gba e pi mu.»

¹⁵ Kaka-a, 'ee, yi lila liyi ndjindji bhú nakobho ka yi-o. Yi adú nakobho maka ongingi de. Engú bini, yi du nakobho maka okpála na imbilang. ¹⁶ Yi djele onedhinga inde yi nde bhú e ndjindji. Padhá de, anga onedhinga inde ní nde bhú e sisiti. ¹⁷ Kaka-a, yi adú maka ongingi de. Engú bini, yi mene ne kpéke me yi mbila engú inde li Ngámá akanda me yi mene e-o.

¹⁸ Yi alángba ne pandi de. Padhá de, anga pandi ngatima kpála bhú 'ngú na pupu. Engú bini, yi bedhe mangbo ne Bu Bhobua. ¹⁹ Yi to masi bhú yi ne nali ndu odjua oetsi hana inde li Bu Bhobua ngaha e-o. Yi toko Ngámá ne bua yi hana.

²⁰ Yi gie heni pi 'Dyi ní Ebhe ndu nedhinga hana, di ne ngú ndu 'ngú hana ne 'li

Ngámá gba ní Yesu Kilisito.

A ayo me ɛlɛ ne bhoko manga liɔ sɔnda o

²¹ Yi manga liyi sɔnda yi kabula mazɔma yi nde ne e pi Kilisito ko.

²² Ngayi olisi-e, yi manga obhosi gba yi-e maka yi ngamanga Ngámá lie-o.

²³ Padhá de, anga bhoko ne ngámá pí 'ndji wala e, maka li Kilisito nde lie ne Ngámá pí 'ndji Piga gba Ebhe-o. Kilisito ne Mɔkobho na Piga gba Ebhe. Piga ang-o maka kɛte ani. ²⁴ A ayo me olisi manga obhosi gba o-o bhú ndɔ 'ngú hana, maka Piga gba Ebhe-e ngamanga Kilisito lie-o.

²⁵ Ngayi obhosi-e, yi dɔ ne mɔkɔnda pi olisi gba yi, maka li Kilisito akɔnda Piga gba Ebhe-e lie-o. Ani asuno mɔkɔnda ang-o li nandala kpa li mɔkobho gba e ngɔbula Dadjua ang-o. ²⁶ Ani akɔnda nani namene me Piga gba Ebhe-e kolo bubu, ani atsia avɔlɔ ne engu^b di ne 'li e. ²⁷ Padhá de, anga ani akɔnda nani me Piga gba Ebhe-e koto kala ni ne sangu gba e hana. A adú ne doto bhú e de, ne engú na sisiti napapa tété de, di ne zibotɔ de. Dadjua ang-o dɔ la di bubu, inde u ti da nau siti 'ngú napapa li e de.

²⁸ Kaka-a, a ayo me obhosi dɔ ne mɔkɔnda pi olisi gba o maka u akɔnda kɛte o lie makpe-o. Padhá de, anga kpála inde ne mɔkɔnda pi wala e-e, ani ngakɔnda bhomɔ-o li e makpe. ²⁹ Padhá de, anga kpála bini inde ayala kɛte e makpe ade. Engú bini, kpála ne kpála ngakɔ kɛte e, di ne nalilila ndjindji, maka Kilisito ngamemene lie bhú Piga gba Ebhe-e ko. ³⁰ Padhá de, anga ní ne tika kɛte ani. ³¹ A maka u aye lie bhú bhuku gba Ebhe-e me: «Kaka-a, bhoko a'ó ká 'dyi e ne 'hi e ngɔbula nakpɔtsɛ lie ne wala e. U tsia kólo ndɔ o bhisi hana koli kɛte bini.†» ³² 'Ngbé 'ngú na kɔkɔlɔ awo lie bhú engú inde u apa e bhomɔ-o. Ngama-a, ma apa me u ngapa 'ngú bhomɔ-o li 'ngú gba Kilisito di ne Piga gba Ebhe. ³³ Engú bini, u la di ngapa 'ngú ang-o pi yi: a ayo me bhoko ne bhoko dɔ ne mɔkɔnda pi ɛlɛ gba e maka ani akɔnda li e lie makpe-o. A ayo la di me ɛlɛ ne ɛlɛ manga 'ko e.

^b5:26 *Engu*: A ko batisimo. Tsia bhú Tit. 3:5.

[†]5:31 Tsia bhú Dje. 2:24.

6

Lele dasundu gba ongisi ne okpála azu o-o

¹Ngayi ongisi, engú inde a ayo me yi mene e maka li Ngámá akunda lie ngae inde: yi manga okpála azu yi-e mamanga, anga bhobhomu-o ndjindji. ²Líli na kalanu inde li Ebhe asuno e di ne napa me ni améne ehe bhú e ngae inde: «Manga 'dyi mu ne 'hi mu mamanga, ³amba mu du ne kpála na djali, mu tsia bhúe la di ngengele p'la doto.[†]»

⁴Ngayi odyi ongisi, yi améne de me ongisi gba yi-e kolo ne kpéke 'ndji-e de. Engú bini, yi ku uo ne nalili uo di ne naha líli inde ayie ka Ngámá-a pi uo.

Lele dasundu gba obalise ne omakulasi o

⁵Ngayi obalise, yi manga omakulasi yi p'la doto mamanga ne nazi uo ndjindji, ne koli bua bini mugito me yi ngamanga Kilisito . ⁶Yi améne bha bini mo-o li nedhinga inde u ngatsia 'kpí li yi lie de. Padhá de, anga yi mene mo-o, i mana mugito me yi amene ngubula me okpála ziba yi. Engú bini, yi mene engú inde li Ebhe akunda e ne koli bua bini, maka obalise gba Kilisito. ⁷Yi mene kulu pi omakulasi yi ne bádha bua mugito me, yi ngamemene pi Ngámá ngae makpe, anga yi mene pi kpála de. ⁸Padhá de, anga yi ambila me, abana i du bali, i du di-e bali de-e, kpála ne kpála asía makalá sakpa Ngámá li lele bádha kulu li kpála ango-o amene e-o.

⁹Ngayi, omakulasi okpála, yi mene bhadi moko pi obalise gba yi-o. Yi abú tsulu bhú uo ne napa de me yi ató mbolo li uo de. Yi mbila ndjindji me ngayi ne obalise gba yi-e, a ka yi ne koli Ngámá bini abhálá. Ani gbogbo bhúsu okpála de.

Yi bi tia 'gu inde li Ebhe ngaha e pi yi-o

¹⁰Ngú nabu tata-a, yi gili angu gba yi-e bhú nakpɛtsɛ liyi ne Ngámá, bhú angu na ngbéngbé gba ani-o. ¹¹Yi bi ndu tia 'gu hana inde li Ebhe ngaha e pi yi, ngubula me yi lu kpekpeke kala siti mabhundja gba djabulu-o. ¹²Padhá de, anga

[†]6:2-3 Tsia bhú Eki. 20:12, di ne bhú Det. 5:16.

ní ngagụ gbele ne okpála-kwiti ade. Engú bini, ní ngagụ 'gú ne osisiti bua inde ne angu abhúlá. Ní ngagụ 'gú ne ongámási na angu di ne obhende na sukpe.

¹³ Kaka-a, yi ha ndụ tia 'gú gba Ebhe-e hana, amba li nedhinga na sisiti akólo lie, yi de la kala bhulá yala gba yi-e kpekpeke. La di-e, pita nagụ gbele akolo ali soso-o, yi tsia lú li bili yi nde li e kpekpeke.

¹⁴ Ka 'ngú angó-o, yi la kpekpeke. Yi gbite kukulá 'ngú ludu yi maka mukabha. Yi holo ngbili 'ngú maka bongo na kó 'nụ inde ngalila mbulu kpála. ¹⁵ Yi dyi gumụ na nakpokpo Bádha Ngali na guo 'ngú maka maløkø. ¹⁶ Yi holo nabhuka ndụ 'kpí hana maka kopí. Bhobhomụ-o ahá angu pi yi ngú nabulá ndụ edji hana inde ne djua gba Satana . ¹⁷ Yi dyi mukobho maka ndata na kalase. Yi holo Eli gba Ebhe-e maka mbotia inde li Bu Bhobua ngaha e-o.† ¹⁸ Yi mene ndụ 'ngú bhomụ-o hana bhú mayo. A na paká, yi yo Ebhe bhú ndụ 'ngú hana maka li Bu Bhobua atéteke yi lie-o. Kaka-a, yi alá-a de, yi yo Ebhe ndụ 'kpí hana pi ndụ okpála hana na bububu-o.

¹⁹ Yi yo di Ebhe mụma, amba Ebhe ha eli na ngbingbili mụma nedhinga ma akunda nagama 'ngú lie-o. La di-e, a ngubula me ma adú ne tsulá de nedhinga ma ngambamba ta ongú inde awo lie bhú Bádha Ngali-e lie-o. ²⁰ Ma ne bhulá titima na Bádha Ngali inde ma nde bhú tikpá ngubula e-o. Kaka-a, yi yo Ebhe ngú ma, amba ma akpókpo Ngali angó-o ne tsulá de, ma kpokpo mangbo maka a ayo lie-o.

Eli na soso

²¹ Tisiko, ndai ní na mukunda, kpála inde di ngamene kulu gba Ngámá ndjindji akpókpo ndụ 'ngú hana inde atsia ma pi yi. Aní akpókpo pi yi ngubula me yi mbila lele maka ma nde lie di ne ehe inde ma ngamene e-o. ²² Ma atima ani ngubula nakpokpo pi yi lele maka ya nde lie, amba aní to di masi bhú yi.

²³ A ayo me Ebhe 'Dyi ní, di ne Ngámá Yesu Kilisito ha guo 'ngú, ne mukunda di ne nabhuka pi ndụ ondaise ní hana. ²⁴ A ayo me bádha bhú 'bu gba Ebhe dụ ne

†6:14-17 Tsia bhú Isa. 59:17, 11:5, 27:1, 34:5, 49:2, ne bhú Oz. 6:5, ne bhú Ebe. 4:12, di ne bhú Apok. 1:16, 19:15.

ndu okpála hana inde ne m̀kunda na dudu ma pi Ngámá gba ní Yesu Kilisito ko.